



Q: Tourism hemi impoten long Vanuatu. Wanem nao polisi ia i talem about opportuniti blong linkim ol fama i go long tourism?

Polisi ia i tokbaot mo enkarejem wok tugeta blong ol stekholda blong inkrisem marketing blong ol agrikalja prodak i go long ol spesifik market we i inkludim tourism industri; mo blong promotem farming blong ol hae valu fuad krops we growing tourism industri hemi demandem.

Q: Ol yang pipol oli impoten long Vanuatu. Wanem nao polisi ia i talem about opportuniti blong ol yang pipol oli engage long agrikalja?

Polisi ia i tokbaot 'mainstreaming' blong enkarejem mo inkludim ol yang pipol insaed long ol agrikalja initiatif; luksave kontribusen blong ol yang pipol; provaedem ikwel opportuniti; mo putum inaf fand o mani blong agrikalja aktiviti we i addressem ol yut.

Q: Buluk hemi impotan long Vanuatu. Hao nao gavman i plan blong kontribuit long developmen blong laefstok indastri?

Ministri blong Agrikalja, Laefstok, Forestri, Fiseris mo Biosecuriti, tru long dipatmen blong Laefstok, i plan blong increasem namba blong buluk long kantri i go kasem 500,000 head long 2025. Wan Livestock Sekta Policy oli stap developem naoia mo taem bae i redi bae oli putum i go insaed long Polisi Bank Websaet -

goo.gl/GLDC3C.

Q: Wea ples mi save go blong kasem sapot o moa infomesen?

Dipatmen blong Agrikalja mo Rurol Developmen i save givim yu sapot mo daerektem yu i go long ol narafala ajensi we oli save help – Telefon 22525

Kontak detail blong ol narafala useful dipatmen mo oganaesesen oli aveilabol insaed long Vanuatu Agrikalja Polisi Bank websaet - goo.gl/GLDC3C.



Vanuatu Agrikalja Sekta Polisi Aotlaen 2015 - 2030

Laef mo Mane i stap long Agrikalja



VISEN

Blong olgeta Agrikaljurol kakae mo kash krop blong Vanuatu oli stap gud oltaem mo manejem long wan wei we i mekem mane, givhan long sastenebol divelomen blong laef blong evri pipol blong Vanuatu kasem 2030

EIM

Blong manejem olgeta agrikalja risos blong kaontri long wan fasin we i inkludim evri samting tugeta mo long wan fasin we i stap gud oltaem, blong provaedem kakae mo impruvum olgeta inkam mo tu givhan long envaeronmentol mo sosol sevis blong divelopem living blong evri pipol blong Vanuatu



Q: Wanem nao pepos blong Agrikalja Sekta Polisi?

Polisi ia i aotlaenem hao nao gavman blong Vanuatu wetem praevet sekta mo ol divelopmen patna oli save help blong mekem sastenebol divelopmen insaed long agrikalja sekta long nekis 15 ya.

Q: From wanem polisi ia hemi impoten blong mi save?

Praevet Sekta/olgeta Industri/Olgeta Fama: Polisi ia i explenem hao gavman mo ol divelopmen patna bae oli provaedem sapot blong divelopem agrikalja bisnis blong yu, mo aotlaenem ol rol blong yu olsem praevet sekta, industri mo fama long kontribusen igo blong inkrisim produktiviti mo sastenebol agrikalja. Moa detail long ol spesifik krops bae istap insaed long ol sub-sekta plan.

Gavman mo ol Polisi Maker: Polisi ia i provaedem wan detail aotlaen long posisen blong Gavman insaed divelopmen blong Agrikalja sekta; ol polisi objektif; ol klia daerektif; mo implementesen proses.

NGOs mo Sivil Sosaeti: Polisi ia i aotlaenem impotens blong gat inklusif divelopmen, wok tugeta blong ol patna, mo rol blong ol NGOs mo CSOs.

Divelopmen Patna: Polisi ia i givim wan ovaviu long ol plans blong Vanuatu Gavman blong divelopem agrikalja sekta, mo givim daereksen long hao you olsem wan patna i save provaedem sapot.

Ol Riseja: Polisi ia i aotlaenem ol klia plan blong Risej mo Divelopmen blong kontribyut long objektif blong gat qualiti mo prodaktif agrikalja prodius

Q: Hao nao Gavman i stap mekem pipol i save aboot Polisi ia?

Igat wan Vanuatu Agrikalja Polisi Bank i bin launch long Septemba 2015 – goo.gl/GLDC3C. Yu save gat akses long sekta polisi ia, ol narafala polisi we i relate long Agrikalja, mo ol detail blong wea blong faenem Teknikol mo Faenansol sapot long Agrikalja, evriwan insaed long Polisi Bank. Yu save kontaktem DARD hed ofis long telefon namba 22525 blong kasem help.

DARD hemi bin mekem plante konsaltesen long taem blong divelopem polisi ia, mo bae i kontiniu blong mekem ol aweanes woksop mo foloap konsaltesen truaot long term blong polisi.

Q: Wanem i stap insaed long Agrikalja Sekta Polisi?

Fokas blong Polisi ia i stap long ol eria blong inklusif sastenebol, sosel, ekonomik mo ekolojikol divelopmen mo gudfala living blong ol pipol blong Vanuatu. Ol mein theme insaed i inkludim risej mo extensen, prodaksen mo akses long market, kapasiti building, faenans, lan yus, mo klaemet adaptesen. Sam long ol key sub-sekta insaed long polisi ia blong putum long aksen i gat kokonas, kakao, kava, kofi, vegetabol, rut krops mo Agroforestri.

Ol krops ia, ol issiu mo ol polisi eria oli kolosap semak long olgeta blong ol narafala Pasifik kantri we risej i soem se ol prioriti istap long Fud Sekuriti, Ekonomik Divelopmen, Sastenabiliti mo resiliens, mo ol Effectif Institiusen.

Q: From wanem Agrikalja emi impoten long Vanuatu?

54% blong total haoshol inkam blong Vanuatu ikamaot long ol agrikalja mo forestri aktiviti, mo 58% blong leba fos blong kantri emi stap insaed long agrikalja sekta.

42% blong ol expot blong Vanuatu emi ol agrikalja mo forestri prodak, mo long 2013 sekta ia emi representem 24% blong total ekonomik aotput blong kantri. 75% blong Praemeri Sekta kontribusen we i go long “Gross Domestic Product” i kam long Agrikalja

Igat 2% nomo blong nasonal budget emi allocate igo long agrikalja mo forestri sekta long 2015.

Q: Olsem wanem blong implementem polisi ia?

Dipatmen blong Agrikalja mo Rurol Divelopmen (DARD) emi risponsibol blong kodinetem implementesen blong polisi ia. Ol narafala dipatmen anda long MALFFB mo ol narafala Ministri olsem Trade mo Industri bambae oli involve tu.

Implementesen blong polisi bambae i happen tru long divelopmen blong ol key sub-sekta stratejis; wan restrakja blong DARD; ol regular monitoring mo riviu; strentenem ol Fama Oganaesesen long ol provins; mo meksua se evri stekholda oli toktok mo wok tugeta oltaem.

